

孔雀鳥壹翼料米漆升貳合伍勺日二合五勺並請久邇宮

以前依例來五月廿九箇日料應給米鹽等如件以解

天平十七年四月十六日

正八位上行令史小野朝臣假下略

〔扶桑略記二十三裏書〕延喜十一年三月六日有孔雀唯一翼於右近陣養之近來產卵八員又去年夏

時同產三卵然而未至為雛此鳥无雄以何產哉

孔雀渡來

〔日本書紀二十〕六年八月己亥朔新羅貢孔雀一侯

〔扶桑略記推古〕六年八月新羅王獻孔雀一隻天皇看奇其美麗太子奏曰是不足恠有稱鳳者在南海丹穴之山非聖人德不能致之天皇曰夢見之太子云遐壽之表也

〔日本書紀孝德〕大化三年十二月是歲略○中 新羅遣上臣大阿滄金春秋等送博士小德高向黑麻呂

小山中中臣連押熊來獻孔雀一隻鸚鵡一隻

〔續日本紀文武〕四年十月癸亥直廣肆佐伯宿禰麻呂等至自新羅獻孔雀及珍物

〔續日本後紀仁明〕承和十四年九月庚辰入唐求法僧慧雲獻孔雀一鸚鵡三狗三

〔扶桑略記醍醐〕延喜十九年七月十六日交易唐物使藏人所出納內藏大屬當麻有業獻孔雀此唐人鮑置求所送太宰大二也其毛彩鮮華勝於往年所來但其尾經夏折落午刻使右近衛少將實賴奉

覽孔雀於仁和寺○字多帝御所有業交易唐物召於御前御覽畢

〔日本紀略醍醐〕延喜十九年七月十六日辛巳唐商人獻孔雀一羽於內裏

〔日本紀略三條〕長和四年二月十二日癸亥今日太宰大監藤原藏規進鷺二翼孔雀一翼

〔小右記〕長和四年四月十一日庚申昨孔雀於北南第生子卵自鷄頗大無雄生卵可奇政職朝臣所談 十

六日乙丑或云相府孔雀隔日生卵云々無雄生子希有事也或云聞雷聲生子又臨水見影生子云々見書記云々可尋本文